



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 28. De vita & morte Didaci Rançonierii.

**urn:nbn:de:hbz:466:1-38528**

CAPUT  
XXVII.  
Itatinenses  
Socii variè  
afflitantur.

Ab Assum-  
ptione civi-  
bus.

Favet Socie-  
tati Senatus.

Columnia  
explosa.

Metus Neo-  
phyti disper-  
guntur.

Pestis.

CAPUT  
XXVIII.  
De vita &  
morte Didac-  
ci Ran-  
çonieri.

Rançonieri  
patria.

Navigatio.

Studia.

Excursiones.

**I**N Itatinensi regione pergebant elaborare iidem, qui oppida fundaverant, Didacus Rançonieri, Justus Vansurkius, & Nicolaus Enartius, subsidia Sociorum sine fine ab Provinciali postulantes, ut coloniarum numerum, reductis vicinis nationibus, augerent. Sed frustra erant eorum vota, quia supplementum ex Europa nuperrimè adiectum Collegia & fundata alibi oppida exhauserant. Igitur quod reliquum erat, dabant operam, ut quanto numero posset, Christianæ militiae candidatos constructis jam coloniis aggregarent. Quorum progressibus non parum obsistebant Assumptionis urbis Magistratus civilis & ecclesiasticus, adunatis consiliis contendentes, ad cives derivare Neophytorum servitia. Et quoniam non ignorabant Societatem ejusmodi postulationibus ex Regis Catholici indulto refragaturam, id excogitavere, ut inductis externis Sacerdotibus, Socios inde abducerent: & jam parochos elegerant, indubie in ea oppida inducendos, nō Senatus Regius Chuquisacensis, admidente Francisco Diastanio, intercessisset: severo edito mandans, ne Societatis labores intempestivis vexationibus contra Regis voluntatem interturbarent. Quo in negotio illud singulare evenerit: nam cum viri primarii usi fuisse falsis testibus ad calumniam fingendam contra Apostolicos viros, & instrumenta intentatae calumniæ in Peruviam ad Senatum Chuquisacensem misissent, unus ex his primoribus, conscientiâ urgente, secreto libello ad eundem Senatum missò, se retractavit, affirmans, potentis viri autoritate eò se deductum fuisse, ut litteris ab Iycophantis contra Societatem confictis syngrapham adderet. Quâ reclamatione cognitâ, Senatus columnias, non sine authorum de honestamento, explosit, Societatisque jus sartum tectum conservavit. Non potuit tamen evitari damnum ex pravis malevolorum consiliis enatum, quorum fama ubi ad Itatinenses Neophyros pervenit, multi ad Ethnicos servitorum metu transire; ipsis Païaguis terorem augmentibus, falsoque rumorem spargentibus, visas esse numerosas cymbas cum armatis cohortibus & catenarum nexibus ad Neophyros subjugandos, & in captivitatem abigendos. His calamitatibus accessit pestis, æque Ethnicorum ac Neophytorum pagis infesta, quos dum per paludes, sylvas, antra, & escabrosa loca, Socii indagant, multis mortalibus Exhomologesi, & Baptismo expiatis, gloriosem sanè laborum messem retulere.

**M**ITIGATO pestis furore, Didacus Rançonieri & Nicolaus Enartius ægrotare coeperunt, ignota de causa: quamquam suspicio fuit utrius ab nefcio quo Barbaro lendum venenum fuisse infulum. Primus sublatus est Didacus Rançonieri, Itatinensis missionis præfector fundatorque, qui in Flandrobelgica anno seculari nobili Centurione Burgundo natus, postquam Trajecti ad Mosam adolescentiam honestis artibus excultam pè translegisset, undevigesimo ætatis anno Societatem Jesu Mechliniæ initit, tantâ genitoris offensione, ut deinceps ab aspectu filii abstinere statuerit. Posito tyrocinio, philosophicis scientiis imbutus, per aliquot annos litteras humaniores non sine laude docuit, donec in Indiam cum Gaspare Sobrino navigaret. In navigatione, adhuc lingua Hispanicæ imperitus, ad vectores & nautas utiliter admodum singulis propè diebus doctrinam Christianam explicavit; adeò nullius offensione, ut omnes magis æstimarent malè tertiana ejus verba, quam aliorum culti idiomatici modulos. Cordubæ Tucumanorum, impatiens quadriennalis Theologiae curriculi, summis precibus ab Majoribus postulavit, ut decurrato studiorum spatio, quamprimum se ad Indorum curam amandarent: quod ut impetraret, ad controversas totius Scholasticae Theologiae sententias problematicè defendendas, ante præfinitum tempus, se obtulit, præstitisque tantâ ingenii æstimatione, quantam ferè nullus ante eum haec tenus in Cordubensi Academia consequeretur. In Guairaniam missus, Neophyros Catechumenosque omni ope juvit. Gualachos, vagabundos homines, trimestri integro, nullo commeatu instructus, inediâ pœnè confectus, sub dio & humi cubans, inter quotidiana mortis pericula, per paludosa & sylvestria loca, nudis pedibus sequutus, nihil omisit, quod profurum existimaret ad perversam gentem Christo lucrandam. Villaricanos aliquos, Indorum libertati insidiantes, magno animo compescuit. In transmigratione

Guairaniæ

Guaíranæ multa cum Sociis passus, grande de se specimen dedit. Itatinensi expeditioni præpositus primo anno quatuor oppidorum fundamenta jecit: quorum tribus in origine ab Mamalucis destrutis, non despontens animo, dispersam gentem, ædificatis aliis oppidis, tum per se, tum per Socios, iterum redixit. Ter intentatam à Barbaris necem celesti ope evasit. Pro defendendis Neophytis suis, Mamalucorum sclopetis nudatum pectus multoties obtulit. Sæpè biduum sine cibo transiegit. Nunquam culcitrâ, nunquam cupediis, persæpè cilicinâ veste, plerumque corio indurato pro lecto, proqué omni cibo sylvestribus radicibus utebatur. Ultra Itatinensem provinciam excurrere destinans, Guanianarum idioma utcumque didicit. In diurnâ expeditione, fame grislante, tostis locustis se sustentavit. Si quandoque numerus conversorum ad fidem suis votis non respondebat, hac se cogitatione consolabatur, quod Angeli custodes unius animulæ curam per multis annos lubenter suscipiant; hinc fiebat, ut æquè paucorum ac multorum saluti, datâ occasione, se totum impenderet. Singularum Apostolorum & Evangelistarum festos dies præveniebat ostiudiano jejunio, ad imperandum spiritum Apollonicum. Præter statas preces, cum Deo magnam noctis partem familiarissimè colloquebatur. Sacrificans, aut aliter Deum orans, persæpe suavissimi lacrymis perfundebatur. Nunquam negotium inconcluso Deo occéperabat. In rebus magni momenti, regulis electionis ab Divo Ignatio traditis utebatur. Singularissimo in Christi humanitatem amore ferebatur; in cujus animæ venerationem ex concepto voto decies sexties externæ aut internæ caritatis actus quotidie renovabat. In memoriam Sacratissimi Corporis Christi sexties etiam decies voluntariâ pœnâ se multabat. At verò ut fructuosè Reginam Cœlorum coleret, voto se adstrinxerat pari numero interiùs, aut exteriùs, humilis animi parvitatem profitendi. Singulas vitæ humanae actiones ejaculatoriâ prece ad Deum dirigebat. Religionis vota observavit rigidissimè. Aliis præpositus autoritate utebatur, ad diligenda pro se domus deteriora. Semel ab uno è subditis coram laudatus, ita excanduit, ut abs se hominem faciliè, & extra cubiculum suum abire, jussérât. Tam sibi rigidus, quām aliis blandus erat, præfertim Indis, quos ut amantissima mater omni ope sublevabat. In ægritudine enixè postulabat à Domino: ut intenderet morbi doles, ad compensandam intentione mali lenititudinem: identidemque usurpabat has voces. *Quid hoc, quidcumque est, quod patior, si conferatur cum Martyrum tormentis? augē dolores, ô Deus, & si tua sit voluntas, eterni sint hi dolores mei.* Moriens ab corpore suo veniam petuit, quod id inclementer nimis tractasset. Inter hos pietatis affectus in humili Indorum pago, ad quem diverterat, animam placidissimè exhalavit. Cadaver in facello ramali, vix trium personarum capace, magno Barbarorum luctu sepultum est. Nostrum Rançonierum supra communem modum luxit universa Provincia, testata in eo amissum hominem Indis utilissimum, Apostolicatumque virtutum verè prototypum. Franciscus Vasquis Provincialis, auditâ ejus morte, asseruit Didaco Rançoniero, si diutius vixisset, non tantum potuisse totius Provinciæ, sed etiam universæ Societatis regimen tutò committi: cum non parvâ Flandro-belgicæ laude tales viros abs se ex instituti nostri tationibus amandanis, & augendæ gloriæ divinæ conversionique Barbarorum generosè pieque consecrantis. Elato Rançoniero, Justus Vansurkius cum Nicolao Enartio ex gravi morbo utcumque convalescente, collato consilio, ad Paraquaria metropolim centum leucarum itinere properavit, subsidia Sociorum & rerum ad continuandam expeditionem idonearum ab Collegii Rectore postulaturus. Frustra tamen: nam pestis per urbem & suburbana loca serpens, pauculos Collegii Socios occupatissimos habebat. Ad Itatinenses suos redeunti nuncium in itinere allatum est, de morte Nicolai Enartii, & Mamalucorum adventu, quarum rerum ( quoniam ad initium sequentis anni spectant ) dilatâ narratione, aliò tantisper me confero, novis calamitatibus narrandis lugubrem stylum accommodaturus.

**A**NNO jam adultro, Antonius Ruisius Guaíranæ diurnâ præfecturâ & magnis virtutibus clarus, pro Petro Romero Sociorum in Paranensi, Urvaicensi

Rr 2

&amp; Tapensi

CAPUT  
XXIX.  
Antonii  
Ruisii Pra-

Itatinensis  
Præfectura.

Generositas.

Imedia.

Exercitatio  
pietatis.Pauperialis  
amor.

Patientie.

Mors.

Dolor.

Flandrobel-  
gice Provin-  
cie laus.